



Äbinos  
Neit  
bü Kritid

Pemogodöl



Äbinos neit bü Kritid,  
ven in dom lölik,  
jabäb nonik ämufilon oki,  
no igo mugil.



Stogs kälöfiko pelägons len cim,  
bi cils äspelons,  
das Sämt Nik suno ölükömom.



Cils binons lomöfiko koveniks in beds okik,  
du magälods plömas peju egöl  
ädanüdons in kaps onas.



Motül len särvätül e ob len bonät obik  
enu etakikons ad lunüpo slipön,  
ven plödo in yad ädabinon lenoid so laodik,  
das äbunob ad logön utosi, kel ijenos.



Lü fenät äflitob äs klär,  
ämaifükob kläpedis e ätovob fenätafremi.



Fläk muna pö nif anuik  
älitükon yegis dono jü glim äs zedel,  
ven po logs obik stunidöl äpubons leslifavab miniatürük  
ä rens smalik jöl.



Bi pästiron fa man so liföfik ä vifik,  
äsevob sunädo, das ämutom binön Sönt Nik.






Rönafs äkömons vifikumo ka kvils  
e äflutülom e ärorom e ävokom onis me nems.  
Nu, o Dajer! Nu, o Danser! Nu, o Pranser! Nu, o Vixen!  
Laidolöd, o Komet! Laidolöd, o Kupid!  
Laidolsöd, o Donder ä Blizen!



Löpio cimio! Löpio mönio!  
Nu morönsöd, morönsöd, morönsöd, o valikans.  
Äs bleds sägik flitons bü letep natädik  
e, ven jokons ta nelets,  
geilikons silio.



So löpio nufadomio, rönafs äfiltons,  
ko leslifavab fulü pledadins ä id Sânt Nik.  
E täno sunädo älilob su nuf  
golami e kratami safa smalik alik.



Du älätirob kapi obik e äflekob oki,  
donio me cim äkõmom Sänt Nik bunölo.  
Päklotom löliko dub pläd, de kap jü fut,  
e klots omik pämiotons me zein.



Tufoti pledadinas älabom len bäk,  
e älogodom äs selan, kel anu ämaifükom säki okik.


Logs omik: vio nidülons.  
Cügasepils omik: vio fredaladäliks.  
Cügs omik äbinons äs rosads.  
Nud omik äs cel.



Mud smalik drolik oma petenükon äs car.  
E balib len cin omik äbinon so vietik äs nif.  
Pipafini ägleipom fimiko in tuts okik.  
E smok äzüon kapi äs festun.  
Älabom logodi veitotik ä bälidi glöpöfik,  
kel älemufon, ven äsmilom, äs bovil fulü gäl.



Äbinom bigülik, nänlefredik ä bældik.  
E äsmilob ven älogob omi to vil obik.  
Logajäst e kapiflek omiks suno äsevädükon obe, das no  
ädabinon seimikos, demü kel ämutob dredön.  
Äsagom vödi nonik, ab sunädo äprimom vobi okik.  
E äfilükom stogis, täno letiro äflekomeki,  
e, seitöl doati okik flanü nud e nutöl kapi okik,  
älöpiogolom ve cim.



Äbunom lü leslifavab, lü renef äflutülom, e valikans  
ämoflitons äs tiladaun.

Too älilob, das ävokädom büä övabom de loged, “kritidi  
lefredik pro alan e pro alan neiti gudik.”